



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Septem Illustrium Virorum Poemata**

**Amstelodami, 1672**

Ad Jacobum Wallium E Societate Jesu, Cum Michaëlem Angelum Bonarroto, sculptorem & pictorem summum, Aretinum appellasset, cum debuisset dicere Florentinum.

**urn:nbn:de:hbz:466:1-11215**

A D

JACOBUM WALLIUM  
E SOCIETATE JESU,

*Cum Michaëlem Angelum Bonarrotum, sculptorem  
& pictorem summum, Aretinum appellasset,  
cum debuisset dicere Florentinum.*

Vatum maxime, quot fuere, Walli,  
Quot sunt, quotque aliis erunt in annis;  
Quid Florentia pulcra nobilisque  
Urbs de te meruit misella tantum,  
Ipsi ut Praxitelem suum, atque Apellem  
Unus tu eriperes iniquè, & istud  
Inter cetera lumen invideres?  
Si nescis, graviter tulere cives.  
Quod ni præproperè parumque cautè  
Dictum continuo palam recantas,  
Edico tibi, non inultum abibit.  
Nam multabere patriâ vicissim:  
Nec te illi Grudium ferent poëtam,  
Brugæ nomine nec tuo ferentur:  
Sed jactaberis usque Mantuanus  
Vates, & Venusinus usque, & UMBER.  
Res est non minimum timenda Walli.

FER-